



## «Yãwã yaa kugr b sën lob Bugmã puga hal yuum tus-pis-yopoe, masa la a lut Bugmã pugẽ, n tãag a tekẽ wã

Yii a Abu Hurayrat nengẽ (Wënd yard be a yĩnga) a yeelame: Tõnd rag n yume n be ne Wënd Tën-tuumã (Wënd puusg la A tigr be a yĩnga) t'a wum bumb sën lu, ti Nabiyaamã yeele (Wënd puusg la A tigr be a yĩnga) «Yãmb mii sën yaa bumb ningã bu?» T'a Abu Hurayrat yeele: Ti tõnd yeele: Wënd la A Tën-tuumã n yud minim. Ti Nabiyaamã yeele: «Yãwã yaa kugr b sën lob Bugmã puga hal yuum tus-pis-yopoe, masa la a lut Bugmã pugẽ, n tãag a tekẽ wã».

[Naşun Şahuhun (Gom-sikdem sën manege)] [A Muslim n togs-a]

Nabiyaamã (Wënd puusg la A tigr be a yĩnga) wuma buur sën namsd neda, wala sën tar yĩng luuse, t'a sok neb nins sën be a nengẽ wã, sën yaa Şahaabsã (Wënd yard be b yĩnga) ti yaa bõe buure? Ti b yeele: Wënd la A Tën-tuumã n yud minim. T'a yeel-ba (Wënd puusg la A tigr be a yĩnga): ad buur-kãngã yãmb sën wumã, yaa kugr b sën lob Gehannem noorẽ wã hal yuum tus-pis-yopoe, t'a lu n tãag a tekẽ masã yãmb sën wa n wum buurã.

<https://sunnah.global/hadeeth/mos/show/3370>

